

四庫全書

集部

欽定四庫全書

淳熙稿卷十四

宋 趙蕃 撰

七言律

宜春縣齋寒食日作

故知寒食住為佳，可奈携家更憶家。
憂樂相尋定何種，死生如夢本無涯。
節中天色少來舊，詩裏風光別去嗟。
李迥桃蹊事雖退，柳行因雨未拋花。

三月初二日雨人以為風止之祥

識言雨作風當止得雨喜如遭旱時枕藉無嗔雜簑笠
踰藏不異庇茅茨近看楊柳大垂手遠對雲山圖入眉
日暮橫流難共濟明當安穩遂東之

三月十六日郊行

乍驚風色掃羣陰旋見朝光上遠林
李徑桃蹊愁欲寂
麥畦桑畝秀何深
未云晨出因迎客
自喜山行不廢吟
春晚得晴如此少
寄聲鳩輩且停音

宿柞樹下見趙行之所題詩

人道朝霞不出門今朝失喜見晴曦長林未減霜前翠
疊嶂全收雨後昏兀兀不知為底日悠悠又復度前村
眼明見此壁間句回憶東江數過村

東江亭
在衡州

寄克齋舅氏

不奉書題遂一年書猶斷絕況詩傳興來亦復吟哦否
讀罷何當疾痼痊慷慨初無伏波志憂愁枉類屈原遷
使來覓我當何處水出牂牁若箇邊

次韻晁大舅祖子應

離騷皎皎在湖湘
冀北茫茫失乘黃
徒手豈能探虎穴
敝車安得繞羊腸
外家文律況吾祖
有作歲時常一囊
天遣南來端有意
要須健筆寫秋光

久不領衡州舅氏書
以長句問動靜樞密舅鎮
京口戶曹兄官宣城聞安輿
往來之故見於辭
寥闊書題久不聞
可憐魚鴈動成羣
未傳春興衡陽紙
長憶江東日暮雲
見說風帆京口泊
又云山色敬亭分

莫言翰墨繞遊戲看取毛錐解致君

次韻遠齋春雨有感

春今著物幾陳新未抵新詩得許榮
韓子雖云譽東野侯生終竟愧彌明
已知林下棲遲計何處人間寵辱驚
更欲從公問歸宿夜深風雨四山傾

冲谷和詩惠書且有訪予之意

門外秋來草長科寂然何止雀堪羅
清詩寄和勞相憶手札俱來仍足多
豆飯芋魁吾自有芒鞋竹杖幾時過

相逢不用論餘事茲道待君相琢磨

遊管厯院用喬子遷韻

北沙一勺淺沙泉三日彎跼客船指似殿樓知有寺
經行陂泊見多田清泉方斛快新浴草屨葛衣便晚天

閱遍題名重惆悵越州何許但雲烟

越州謂喻叔奇時為吳州別駕

生米市盡處有寺名演義有二物且得甘叔異

鄧南秀簡壽玉詩

往來屢覓肩吾釣八十初逢演義僧香薰黃連雲細細

薛看石柱帔層層何妨杖策徃幽步頻念竹爐眠曲肱
海內故人難數見壁間時得姓名曾

嶺路惡甚問章聖寺蓋欲投宿也書寄周袁州
舉頭易見天邊日屬目難逢山下村行盡土麤仍石惡
望窮雨黑與雲昏此身何可數茲役薄宦有誰能見存
章聖明朝還曲覩信知緣契在空門

六月五夜斯遠會宿西軒為賦七言四韻

雨餘信宿尚留涼況是僧房對竹床異日江湖成遠隔

祇今林壑可相忘囊空未易蘇貧極酒薄聊能衍話長
竹樹並簷雖爾密不妨新月吐華光

韋南雄惠酒六尊以詩謝之

叩門何處遠行人撩亂雞飛犬吠隣信有青州六從事
詎多驛使一枝春經秋未愈文園病晚歲更餘揚子貧
愧是無詩堪每誦意中殊覺丈人真

同簽判謝丈簡寄教授李丈仍用王原慶舊韻
斗酒百篇家有風故應名墮勝流中從教客論嘲元白

嬾向東華戀軟紅
好句舊來傳已熟
並遊今日敢言同
看公人物非如我
畢志區區在草豐

簡謝張王臣

病過春風二月時
不知春已到酴醾
當公置酒招新社
念我因詩辱舊知
但謹言慰羈旅
更容醉墨對淋漓
寒牕卧想夜來樂
門外卒然風雨馳

又簡張王臣

留落殊方少故人
豈其再見愈情親
幾因高論興衰颯

頻藉深杯慰苦辛祇道朝天在長夏那知奉櫬又殘春
未聞行日先惆悵君復何憂慨此身

白水道間

一源曲折幾成橋稻隴蔬畦高下澆水碓暗鳴蛙吠草
綠雲亂點鷺侵苗誰云斗粟可相挽到處佳山如見招
東畝拔秧南畝蒔樂哉安得助長謠

贛州出示馬提刑留題麻姑山次韻

發軔名山三十年每逢佳處一悠然獨於此地欠行迹

始信茲遊亦屬天壇記舊模唐刺史句題今誦兩詩仙
和篇未至夫何敢勢似求魚乃木緣

得邢廣聲書且索近詩走筆報之

春來日日雨兼風朝暮昏昏抵夢中村巷忽聞喧吠犬
遠書何自落征鴻殷勤每辱寒溫問邂逅幾言笑同
曲逆不侯繇計拙相如遊倦欠詞工

吳仲權相別詩云欲少留桃川山中昨日同在
伯懷之作詩約在伯同賦以寄并屬徐季純于

去非

詩卷方欣見管斑酒杯已復動離顏余當大傘朱冠際
君政清虛爽氣間逸興飄飄難並駕好風發發待吹還
如舟可使長身久有竹懸知不用關

題湘鄉道中梅花

道上梅花無數株似能相與慰窮途色嚴不畏晨霜勁
馥膳寧須愛日敷落落卒無詞客賦紛紛只了酒家沽
雖然根本故亡恙猶愈松明日夜割

長田道中梅花

臘前已賦憶梅詩年後才能見好枝我亦嗟渠苦孤瘦
渠應怪我底清羸雖然故有臨風趣政爾難忘覓句癡
回首江東在何許故人相遠費相思

謂徐
斯遠

梅已開猶未知之簡斯遠

問梅頗復恨開遲及至開時病不知何自折來相料理
似憐一見苦參差君今政草凌雲賦我又初無卻月詩
風月孰於風日愈要須一語為評之

初見梅懷玉山友弟

江路野梅初折來班班已有數花開細看渾覺風神在
且老空驚鬢髮推我所思今千萬里知其趣爾五三杯
半年未有音書至未過衡陽雁已回

挽李子永二首

靈山山下初逢處漂水水邊重見時草草猶傳出山句
勤勤更枉送行詩傳聞恍惚疑昇報問訊淒涼自越醫

始見建紫張孟遠章謂畧計別離能幾日誰知生死遂
公已沒繼審於陸用之

分岐

封侯寂寞空飛將佳句流傳自謫僊
半世作官纔六考他年垂世有千篇
篋中酬唱都無恙天外音書不復傳
五嶺三苗底處所千巖萬壑若何邊

去德清十數里阻水舟行甚艱

常時一夜北新橋問訊茲來故不遙
宜慮堅冰忽成合更當冷日未能消
志存紆直無渠怒行有艱難自我招
賴是晴山有佳色不然何以慰無聊

自湖州欲行大溪
舟人以路直而束

貴溪簡李商叟方元直

李侯佳句似陰鏗
早向茶山識贛曾
滌器寧同長卿逸
閉門不學玉川憎
平居尚憶尋君去
南廟應還訪我能
詩卷當時更誰與
玄英文采被雲仍

十七日晨起簡諸公

年多病暑苦亡聊
夏忽如秋意自消
竹屋紙窗宵撼撼
雨條風葉曉蕭蕭
凶年未易辦五斗
樂處卻思甘一瓢
幾日詩筒似疏曠
意乘聊復一長謠

六月十一夜簡孫子肅子儀

暑氣侵人百不堪晚吹微喜鬢耗耗手持白羽不勝倦
醉漱清泉欣爾甘定夜數鍾隨谷應臨流幾朮與天參
况當風月佳如此秋欠兩公相對談

簡季純去非

寒食今年兩日晴已焉疏雨洗清明醪醕自後牡丹發
反舌乃先鸚鵡鳴多病未能疏酒盞畏閒聊復近詩盟
相看政爾間何闊異日書題空叙情

簡斯遠兼懷成父

聞道籃輿出行田歸來藥裏手親煎旱而不雨熱尤劇
節且立秋涼未使我亦南山成卧疾弟猶北關未迴船
江南已自傷流落何況湖南路渺然

簡贈吳仲權鑑

江西名士多所識盡道延陵有異孫賦就早能傳學子
詩成晚更徹宗門經過縣郭解相覓邂逅心期欲暫論
禁省催君詠紅藥江湖要我擷芳蓀

簡賈新之

君詩耻作閬仙瘦頗厭飄零其故何求士近聞勞仄席
斯人未用豈懸科交情滿眼盡今雨世態由來俱一波
所願深持後凋節傳書獨行不為過

用賒韻簡賈新之

洛陽人物舊傳誇殊縣相依得賈嘉魯殿獨餘多却火
玄都看盡幾番花寓懷不但篇章好評古猶多論議譁
問我若為成間閣路經墟落苦嫌賒

驟寒簡明叔聞仲威數過之

相逢日日訝冬暄為此陰寒僅覆瓿破屋未愁茅盡卷
近林無奈鳥相喧馳驅短景貪黃卷咫尺梅花憶故園
聞道頻迂長者轍教兒勿掩席為門

用前韻再簡明叔仲威

晨興襖子欠黃綿宿火灰深更苦翻官冷自疏兒驚進
兒饑不作鴈鵝喧孰云數口須微祿已料此身終灌園
二子交期非勢利故能衝雀屢排門

藥圃舊無竹僕為作詩從閑止乞栽

如聞舊隱竹多有想見頻年筍更添一日借居無不可
數竿分我未傷廉懸知影可連書屋便恐山無到野簷
如許作謀還自笑未應於此是真潛

重懷思隱之作因回使寄明叔兼呈從禮景立
問訊新篁今幾長高應出屋下侵廊遙憐初日弄碎影
想見午風傳細香卧看行吟君得意畫思宵寐我回腸
簷門為戒須高眼有客能來儻姓王

去非尉曹於廨舍之側鑿池種竹為亭其上名
曰有竹取文公詩云也

舊日南州於去非一官黃綬不嫌卑要為賓主壺觴地
因著胷中水竹期怪底不同東野耄政由深得退之奇
過君池草生春日憶我叢篁長夏時

乞竹亡有藥園主人買以種之

時人靳惜千金費肯似俞郎買竹栽老節尚封南礪雪
定交新得北枝梅幽禽亦自知人意度曰頻能為我來

十飯未妨全不肉上番春筍待新雷

建德道間

婦並蠶筐候蠶浴兒眠牛背趁牛行要知比屋俱無事
看取人家盡樂生麥畦就熟黃雲委秧隴初齊綠浪生
快活收聲聞布穀可憐鳥語近人情

蕃來湖州連與叔驥和叔明父叔寶相從又從
和叔獲見先給事遺墨輒賦二首

東南名勝白蘋州人物咸推故國劉往歎賦歸何勇決

今觀遺翰許風流遠齋視我曾青眼酒正今年成白頭
尚喜君家文墨事到今三世未能休

邂逅忽成三癸亥就中和也少三年諸公濯濯故如許
老我蕭蕭真足憐少住政當愁雪日欲行翻是喜晴天
東南故舊多離闊猶喜丞能共此筵

登李叔器家見一亭

別駕當年蚤見幾郎君久亦棄文闌閉門幽徑滋蒼蘚
杖策高亭接翠微試問丘園返初服定勝風雨蓋征衣

一官政為饑寒計未免饑寒故不歸

辛聯芳自謂也躬之不逮之愧可勝

哉道

賴丞陳擇之官滿歸清江追餞珠林

經行此地幾維舟我亦飄零苦倦遊
旱久未教梅破臘霜遲留得草含秋
離懷不似殘年促細雨何如驟雪收
底事令人重分首自茲出處恐殊謀

程季儀沈儉夫携酒見餞於湘中館借用季儀
所次五峯先生舊韻見懷之作

擬和題詩畧未成卒然風雨暗前津高秋政應涼如水
餘海胡為暖似春載酒肯來真好事艤舟耶為駐行人
異時懷玉山前過一訪耕桑老病身

謝李正之惠蒲墨

地爐窮日坐寒灰顧與狸奴爭席隈硯少磨研塵滿面
筆疏驅使腐生莓慙慙不記玄圭覓邂逅欣同賜璧來
藥裏關心廢詩久恐因詩械却為災

曾鄂州携和詩見過次韻謝之

家世風流翰墨林
政和佛祖務傳心
浮辭肯作齊梁體
古調直諧韶濩音
入社敢期陪唱屬
贈言從此得參尋
惠然更辱高軒過
不問春溪綠漲深

留別周叅政詩二首

元祐登瀛盛古今
祇今衰冷媿諸任
聖朝既有徐州相
得路仍知異日心
齷齪更無微價市
鷓鴣自愛一枝深
故同坎軻荆蠻徙
昔所悲歌今放吟

故意還叨累十觴
諸家所歷信踰常
黃塵倦馬久非地

野水白鷗終是鄉勾漏不惟兼採藥長沙更欲訪沉湘
憑虛便謂神仙近却覺仕途真渺茫

程士和和詩送酒復用韻

半夜詩成疾置看甚思走筆退知難我如楓葉非開伐
君比梅花不帶酸豈是獨醒羞衆醉政由尚白懼朱丹
一尊重辱相料理不爾何緣罄一歡

趣成父寄酒

如聞已熟遂初泉曰曰江頭數過船梅嶺望來能止渴

麴車逢處解流涎故人海內忘形少風味杯中到手賢
遙想容齋對陳子有時醉倒竹籬然

喜俞玉汝見過

秋風起我友朋思倚樹談君語未移祗道窮年上湖海
那知今日會茅茨病多止酒家無釀貧乏羸糧甌罕炊
作底勤渠相勞苦倒囊共出別來詩

明叔今日不過書齋

竹屋深深晝亦陰病多無復短長吟三年肯住見君意

一日不來闕我心蟬噪未知秋日晚雀投如識故枝深
殘書亂帙慵能整倚賴殘樽尚可斟

呈衡州使君先生二首

當年月以秋中過今歲涼因閑故遲渴想話言思亟見
暑侵鞍馬敢云疲曾聞遺俗有存者豈若吾身親見之
少不如人今老矣朝聞夕死庶幾為

常州何乃又衡州或謂茲行乃勝遊鍾鼓相聞尋嶽寺
荳蘭無數踏湘流是中夫豈先生樂此段耶供幽子求

嶽麓相望唯石鼓要令吾輩務藏修

清江道中

自入西江絕少山
覽看平遠又彎環

自過南昌兩岸絕不見山望窮

浩浩鷗波裏詩墮蒼蒼暮色間
網戶謾多魚踴價酒壚
雖少客酤顏兒時所歷今重過
無復衣斑徒鬢斑

次韻陳縣丞謝送筍

官曹常恐廢書勲
賴是相看有竹君
送筍但知修歲例

辱詩還喜繼前聞

順送筍與張伯永丞常有偶酬

饒涎肯為口腹計幽

處要期風月分我事且然成忤俗奈何君復露奇文

晚晴四首

殘風落日蟬亂鳴細履小園欣晚晴投林倦鳥分暝色
滿地落葉無秋聲衛尉一錢魯不直阮郎幾屐畢此生
三十六中第一策脫却世故甘傭耕

五日舟行雨間晴晚逢寒日上晴林山因絕翳修眉展
水得無風墜鏡深可恨飄零獨南北不如水鳥共浮沉
向來止酒緣多病新為清羸又一斟

度月陰霾增病苦重陽開霽見秋新
菌生康樂登山屐
塵敗淵明漉酒巾強擬扶持成小憇
路逢借問一何頻
莫驚老瘦非前日看即推遷類昔人

不知林薄上新月但見村墟生遠烟
滿地蟬聲爭嚙嚙
連溪鷺影落翩翩舊時不負登臨集
未老還為疾病纏
賴得一晴供節物未妨七字發孤妍

孝揚成父約見過屢展期云須晴也

雨到叢篁忽暗鳴
漁門應已載傳更
伯淮被冷睡難著

孺子榻空塵欲生幾戒樵青成痛掃屢聞黃耳遞虛聲
逢迎可待休形歎祇恐窮冬無好晴

劉通判

自昔盱江妙人物未容修水擅璵璠獄平冤滯絲仁勇
衆息謹譁賴德言謂繼更生校中秘却追子驥問桃源
神仙天上多官府盍鄉蓬萊覩弭轅

陰伏陽升直泰辰當年猶想降庚寅泰山北斗人皆仰
和氣春風德有鄰會即吹噓九天上豈徒風月五溪濱

不惟相國同年契更有齊年相國人

公與右相同年而與左相同生

過在伯於學中

曉出城南日映光水烟橫截樹烟長多聞政欲從君語
造請寧能遣我忙勝可作亭攄意匠醉因種竹試傳方
規摹豈止衡山小安得高歌題屋梁

呈廣仲運幹

招真巖畔菊花秋憶昨賦詩相贈投不但居民思憇樹
每令客子擊行舟只言騰踏已云遠豈料轉輸由爾留

我亦老焉猶昔日倚樓看鏡兩悠悠

負暄

天公知我寒無褐惠以簷間百尺裘挾纊固殊如是想
索衣不歎晚為謀神融遽合莊周夢意氣俄乘竹葉舟
側聽屋山雞正午又愁寒雀暮啾啾

送潘湖南二首

湖海頻年歷四遷治聲往往遂無前長沙夜席喜今召
右史素風追昔傳要識平治端有道不知論奏孰為先

豈惟人士想風采聞說天心正渴賢

名世公今第一流百年端見幾人不臨民不作子桑簡
好善咸推樂正優侍從近臣方妙選林園勝事未宜休
曾聞王貢彈冠事無奈相如故倦遊

和青田劉令同年見答寄茶之作

越國春芽舊有聞換來佳句益堪珍主張品格曾無過
吟寫工夫直有神鴻漸烹煎應巧密玉川才調本清新
索居海角淒涼甚時得吟哦慰此身

周愚卿求所藏靈壁石名堆雲

一自風塵沒泗濱英遺何敢漫嶙峋
崩騰直自天邊落拳握空夸席上珍
好事了知真是癖傾家務買不論貧
不來俗客仍須鑰夜半負舟端有人

六月初九日晚大雨簡文顯子暢

千里歸來病作勞偶因好雨試揮毫
涼聲何止到草木秋意直將侵鬢毛
坐念司功狂欲叫謂子暢更懷元亮卧

方高

顯謂文

何當過我茅簷底不獨譚詩亦具醪

午風大作已雨甚微

老屋支風懼壓焉若為吹雨但茫然池蛙閣閣自得意
圓蝶飛飛人故憐玩物不妨尋物理得閑聊爾賦閑篇
枕書幾欲成幽睡又怕饑龜攪夜眠

莫萬安以甘雨應候用社日韻作詩見貽次韻
今君憂樂皆農務信有雨來晴便晴寧似倦遊傷偏仄
不堪終日屢昏明歸舟淨綠不可唾舊舍小灘渾欲平
元是江湖竿釣伴可須釣叟自為名

子暢雨中見過且惠以詩乃用蕃謝文顯載酒
之韻復用韻為答併簡文顯

草木荒涼門半掩故人誰肯為予來
要師原憲安非病
敢學襄陽怨不才
春自堂堂花更落
髮今種種尤其催

謝安故有東山志
過我題詩拭硯埃

僕所居
名東山

雨合茅簷書罷看
惠然君乃過
蘓端澆胸細酌杯中物
洗耳飽聽溪上湍
近喜同叅詩有味
晚期偕隱谷名盤
因聲寄謝周夫子
文行如斯古亦難

畢叔文以雙頭白蓮送程士和錄唱酬詩以求

次韻

是間何處有蓮漪
况復雙蓮為出奇
要使暎焚成一洗
政須冰雪露多姿
折來不許從君玩
賦就空能喚我為
已見神人出姑射
定煩朝日避咸池

次韻簽判文牡丹

長紅小白總堪珍
一見名芳歎絕塵
疇昔空傳醉翁譜
祇今如訪洛陽春
重附固已稱尤美
徑尺真成出新新

好物堅牢世那有莫嗔採掇付厨人

次韻畢叔文牡丹

春來不雨即衝風紙貴衡陽欠此工未問姚黃并魏紫
但思澗碧與山紅敲門惠我枉新作展卷想君恰遶叢
舊事與誰談洛下倦遊聊爾話黔中

嚴從禮折送牡丹且副以詩次韻

幾日雲昏病亦昏問春咫尺負名園兩枝何自落書几
一笑為之開酒尊怪底江南新種得未饒洛下舊名喧

不然故有栽培力能使芳根學返魂

水仙

楚辭香草費磨研何獨無言到水仙
薦菊要令和靖配思鱸更擬步兵賢
未應玉樹能回死寧與梅花作導前
多坐未能空結習故遭天女散諸天

倪先輩送水僊一科數花

倪郎知我愁無度故遣水僊來叩關
悄悄如逢度相遠亭亭似直待夫還
飄流歌舞餘杯斚脫略簪笄失珮環

寒眼何堪重對此一軒風月閉窮山

詠書齋梅

憶昨看梅恨不早而今顧索晚方開
朝來已作二月暖花事應憐老境催
防護可加人漫巧飄零未免句空哀
夜深耿耿欲忘寐明日更憂風雨來

陳巖二君頻送蠟梅因以成詠

綴蠟為花荆作枝列為梅種自何時
詩多草木初無與賢比蘭荃又見遺
抵道品題終不遇豈期坡谷解相知

却憐二士空齊魯不及西都講盛儀

觀邢園梅偶成長句錄呈上饒故人段元衡鈞
今年未省賦梅詩疾病侵陵道路疲兩日喜逢新霽後
數株還見欲開時色香於汝寧能盡心迹如余只自知
不是新來苦耽酒捨渠何以慰支離

早歲

早歲耽詩老不工但餘多難似詩窮忽來數紙丁寧甚
憶他時繾綣同幕府十年公勿厭風霜滿面我思東

幾因江發蠻夷漲欲問漁翁借短篷

田家即事

漫道詩書可起家未如田舍足生涯
不辭僂僂翁栽稻能作紛紛婦剥麻
口腹定繇勤力許衣裘寧怕大寒加
罔知耕稼求溫飽行役雖勞莫重嗟

聞桑葉賤甚感歎有作

種得桑栽接始成

土人呼為平聲

鋤長及夏時營葉黃已說

都無價蠶老那知轉更平自是初頭放種薄曷能斷手

有絲羸田租減放猶科校况此全催可後程

偶成

落盡羣芳未肯晴重尋破褐尚寒生風輕簷廡頻來燕
雨合林園未有鶯慷慨董生悲不遇蕭條靖節賦閒情
倚樓看鏡徒增歎散髮采薇真是清

即事

秋日勝春句匪誇信春無賴覺秋佳睡餘對客霏談屑
茶罷卷書揩眼花寂歷斜陽簷影斷蕭疎黃葉雀聲譁

家貧尊酒雖無舊多謝鄰翁許屢賒

寄周內翰

一自春風辱報書後來安否定何如江山我敢涪翁後
事業公真六一餘百里半途過九千間大厦豈無廬
不知蹠躐天街馬孰愈崎嶇經壑車

上七里嶺

天公知我行良苦垂上嶺時容少晴登山著屐自不惡
卧遊作圖空復情此來豈止試脚力政坐久不尋詩盟

山礬雪白藤花赤高樹木蘭低紫荆

晨起聞徐應卿誦季益詩作詩寄季益兼簡公

擇

詩工於我貧相似憇跡招提亦爾同問訊稍憇書草草
往來長恨馬匆匆黃花紅葉時將晚衰髮蒼顏道轉公
寄謝俞郎近安否會看搏翮上秋風

公擇欲
赴秋試

呈簡壽玉

門外雙槐日已高庭中鉅竹與爭豪蕭蕭共倚青雲翰渺

渺仍工白雪操欲向瀟湘訪蘭芷却從吳越看波濤問
君後役胡為爾我亦歎嗟出入勞

簽判丈見約同諸丈攜酒過賈新之運屬適以
周侍郎過郡附舟謁之比到城周已先去既失
見周又失與賈集不勝悵恨因成長句呈簽判
丈運屬丈

載酒俱期過閬仙悵然何事獨求船春風易遠朝天旆
夜雨空成借榻眠誰謂此行真不遇了知一笑欠前緣

連朝定有新酬唱到我凡當第幾篇

在伯欲見洪龜父夏均文詩因逸歸玉山取之
自常德先寄以來偶得長句遣呈

疾風不雪翻成雨甚欲相過愁出門短日已曛燈未上
曲身難直坐如蹲兒歸尚作他州隔書到能開病眼昏
併致江西洪夏集一樽徑欲與君論

呈晦菴二首

一紙書來遂隔年江湖遠地水連天紛紛橫路又逢此

凜凜歲寒嗟獨然學道終期世勲業拙經贅了佛因緣
白頭下士重來拜依舊鷗汀鷺渚邊

不上龍門五過秋袖詩還是覓扁舟胡然貧病抵如昔
聽爾行藏隨所由未厭室人能我謫故防知己作公羞
孟郊五十酸寒尉想見溧陽神尚遊

呈康職君謨

高譚自可解人頤何況攜醪烹伏雌衰白無庸辨鬚髮
困窮端只坐書詩西湖閱境君其訪南畝深耕我自期

異日書來話疇昔黃溪寺下雨昏時

呈李承

發舒言笑非關酒慰藉辛勤一以詩往日追從雖舊矣

抵今夷險更同之真仙巖壑君行訪

融有老君巖張安國題云天下第一

真仙之巖

快閣江山我亦披

快閣在白下

但恐衡陽無過鴈書筒

不至費人思

李承欲通古融余亦行官白下故云

呈周昭禮二首

自從君發信州船令我登臨每悵然把臂真成一傾倒

轉頭知隔幾山川
憎余況有年年惡
美子詩堪句句傳
記取相逢又相別
菊枯荷盡早梅前

又向江頭覓去船
故山歸路反茫然
秋鴻社燕各千里
落日殘霞同一川
酒得老兵猶可飲
詩須我輩始堪傳
經行到處無生景
平日夢中今目前

呈劉子後趙行之司理舅二首

南渡淒涼六十年
故家遺俗日蕭然
不應門戶端如此
政坐吾曹欠勉旃
斗食我今悲白髮
束書今喜繼青氈

鄉來未識衡州士閭里皆推有此賢

忽忽江頭住一旬敢疏請謁恐煩人肯敦宿昔論文舊

更辱慇懃枉句新已向清斯看流水更從高節撫霜筠

白醪煮餅留終日吾舅於今驚座陳

行之併杜惠詩是日同為兩寺之遊

故及之

告別晦菴晦菴有惜別語因用張志和答陸羽

問作詩呈之

負笈初忘道阻長求船翻為歲犇忙一尊故惜時重與

四海當知別未嘗渭北江東無異轍太虛明月本同光
屬公忽諱輕為別遣客仍知醉不忘

用文顯秋字韻呈簽判丈兼簡子暢兄

林園瑟縮似高秋門巷蕭條若故侯粗有百篇兒可誦
何須四海轍能周憐才滿世今誰是好士如公獨見優
父子曾聞自知已竭來敢意許同遊

雨後呈斯遠

已是霜凝更雨溫春其漸起但無痕莫嗟草色有垂死

定自梅花當返魂小駐要須窮日日細尋無惜遍村村
揩摩病目從茲始併待君詩洗睡昏

呈慶伯

開到牡丹春十分不堪風雨尚紛紛酒杯強適誰知我
藥裏關心更念君老去青山甚藍縷愁來白髮嬾鋤耕
稻鉞出水蠶初掃慚愧耕桑每廢勤

用韻呈明叔

白鷗自倚占深灣亦有幽人此照顏豈但襟期非世俗

要知吟嘯奪天慳江天見處從教濶松竹栽成不要刪
我若賦詩君為寫絕人翰墨勝高閑

用簽判丈送徐大雅之韻呈簽判丈兼簡子暢
兄

年高端已輩吾翁况倚通家夙好同長夏江村能數過
論文尊酒未憂窮分趨幕府如工部耻入帝城因子公
聞道郎君亦輕祿故知難進是家風

夜呈欽止審知時欽止歸自三衢

政爾相從問阿兄忽聞門外竹車鳴對床縱復無今雨
展卷不妨同短檠念興乘聊一詣却憐侍立苦頻更
風微佛屋琅璫絕古栢陰中看月明

呈慶伯

顧藉微官無一分強能從俗亦徒紛他鄉驟喜逢詩伯
故里渾疑對竹君莫為饑寒常道路要留精力事耕耘
如君少壯端宜勉老我衰摧直漫勤

呈梁從善

飄流老矣謂知津邂逅欣然願卜鄰不但梁邠丈人行
更吾騷雅社中人前秋一見遽為別今日重來情倍親
政自論詩得歡喜更因話舊忽酸辛

呈審知二首

秋風已作重陽雨客子將回下水船
卒歲褐裘悲破篋豐年稌黍欠多田
平生漫說詩書學滿眼不祛兒女煎
頗怪淵明瓶乏粟若為猶送酒家錢

樓前木葉下繽紛樓上長吟獨有人
勿漫悲秋成楚些

要知達識自天真從渠履著一生幾莫問雖無今歲貧
平日相期定何事君今到岸我迷津

九日王越卿司法置酒要客始約登武安之塔

為遊人所先已過圓通晚更集於彥博之居越

卿醉後作畫其先大夫公亦能畫云作詩二首

登高有約乃相違故遣村船逆上溪寺與松篁元不隔
路經蓮藿却成迷數君放逸仍懷古老我悲涼况哭妻
鄭重莫逃雞黍社又隨新月共扶藜

王家父子竹林期談笑初無世俗姿
戲擲敗毫成凍羽
醉回老力出枯枝解吟秀句寰區滿
不擬常稱老畫師
大令右軍疑只爾外人笑怪若能知

九日莫令置酒縣齋余以病不飲作詩呈坐客

孰使庭花未肯黃政應知我鬢新霜
茫茫永夜無時旦
索索窮愁曾斷腸坐久支吾催煮藥
飲豪絡驛看傳觴
廢遊不但因公事風雨連朝故覺妨

莫令有不及
登山之歎

李商叟舉似用南澗山字韻茶山星字韻數詩

輒借韻呈商叟二首

已悲傲吏失南山尚喜王儼峙舊壇感愴自應新髮白
乖離可使舊盟寒
篙師徑欲通宵發我輩深嗟會面難
月底婆娑燈下語恍然還是昔年看

吾州疇昔聚文星我已後之君有聲丹筆未離天祿閣
白頭猶住錦官城
舊諳林麓深堪隱今見溪山遠更明
賸欲相投小盤礴溪頭亡那槽雙鳴

蕃嘗以閏九日約謝章二丈會南堂有事而止

既欲復理前約之酒未能因見唱酬嘉字韻詩
卷借韻呈章丈

已後兒曹疾走誇分同杜叟客忠嘉白衣莫致有名物
青眼謾看無數花念我豈無巖壑暇從君恐及簿書詳
不唯孤負登臨約亦覺詩筒到眼賒

九月十一夜雨中讀吳夢與詩書以示之

疾風吹雨過江干老屋闕牀無處乾切切冷蛩深撼壁
累累饑鼠下窺簾枕衾屢撫眠難著燈火重呼詩細看

謾說為官猶我似念君懷抱若何寬

九月十六日文興折贈綠萼梅數枝花多而甚
香非尋常梅花比也

舊聞良月似春時真有梅花如許枝綠萼深宜翠羽宿
靜香獨許蜜蜂知木犀莫道開能再庭菊無嗟晚乃移
不是南方地偏暖寵光潛已落天涯

是日明
堂肆款

十月晨雨

昨夕斜陽照墟落今晨細雨暗簷楹田夫荷笠趨田去

織婦連機競織聲畏餒但憂瓶粟罄怕寒那倚鬢絲明
古來名士多如此底事於予亦麼生

十月三日鄭秀才惠菊植之晏齋窓前尊酒偶
之與稚子烹作重九

旋斫寒梢縛短籬菊窠三兩帶花移莫嗟已落重陽後
自是江南秋到遲

江南一作山寒

菊開便是東坡節酒盡空哦

清畫詩竹隱異時尋故事送花常憶鄭當時

東坡嘗以十月作重

九皎然有九日與陸羽烹茶詩清畫皎然字也

十一月初五日晨起書呈葉德章司法

卧聞落葉疑飄雨起對空庭益卷風
政自摧頽同病鶴況堪吟諷類寒蟲
忽思有客渾如我卻念題詩不似公
已分蠶絲終白首可因霜雪媿青銅

德章法曹再用銅字韻作詩為報復用韻奉答
人窮往往咎文窮歷數前賢半此風
春去林園乃啼鵲秋來牆壁自鳴蟲
世悲工瑟如齊客我嘆好龍多葉公
苦節期君類松栢根能如石幹如銅

十二月一日同陳明叔修絕江遊古城白泉

快閣呼舟渡碧江舉篙驚破白鷗雙謾云擇勝心如渴
不待窮幽意已降試遣折梅巡野圃少須酌茗坐僧牕
欲將韻語題今日筆力輸君九鼎扛

十一月初四夜同吳資深陳明叔宿觀山

一源何自發嵌空漱月流風晝夜中故有松聲雜清越
獨無梅影照玲瓏鄉人但說觀山寺客子深懷太史公
好事陳吳不易得冒寒襍被肯來同

淳熙稿卷十四

欽定四庫全書

集部

淳熙稿卷十七至

詳校官庶吉士臣吳烜

總校官編修目朱鈐

校對官中書臣吳樹萱

謄錄監生臣康永倫

欽定四庫全書

淳熙稿卷十五

宋 趙蕃 撰

七言律

呈辛卿二首

詩老當年聚此州
邇來零落盡山邱
公雖暫爾淹時用
天豈特令繼夙游
幽事儻多塵事絕
靈山孰與博山優
林棲相去無百里
窈窕崎嶇可後不

今昔名流幾許人況於室邇更身親南州行卷雖云舊

東閣知名固若新

藩頃聞右揆稱公文章

再見每懷風度遠兩年

空恨往來頻其誰為我談名姓車轍勤公野水濱

進之復有湘潭之役二詩見惜別意

歲盡君當又一歸開正我亦具征衣祇今湖北地非遠
異日江東書恐稀酬唱未能相數數別離於此再依依
到家無事還宜早柳弄色時梅片飛

君詩悟入已多年信手拈來總自然靜似幽人居在谷

勇如壯士起臨邊
波瀾收卷雖餘地
光豔發舒終屬天
笑我飢吟空白首
亂蛩衰草晚風蟬

湖洲贈別劉叔驥昆仲

吳楚相望信不通
謾憑雙眼送歸鴻
豈知留落江湖外
又得從容笑語同
賸把詩篇攄別恨
莫辜杯酒對秋風
明朝徑問吳松路
恨不與君俱短篷

別趙常德

舊詩零落似前生
豈意公能識姓名
青眼何堪辱如故

白頭自覺已無成
普天無復歸耕處
薄祿謾為餬口營
今日違離定何往
壺頭路險更秦城

別晦菴

身墮南州已覺賒
五溪從此更天涯
別腸何止成萬轉
霜鬢不堪今半加
頗念客留同此日
絕憐歸夢每還家
公如踵赴仙都約
猶擬頡頏飛佩霞

留別邢大聲昆仲

再歲春風把酒杯
今年更覺倍遲回
海棠消息知渠負

楊柳風流笑我衰
舟過重湖定安否
書來一紙勿悠哉
是身老矣腰仍折
寧待田園歸未來

留別趙南絕

少時未識廬山好
老去知山卻遠山
白鹿何繇與絃誦
紫霄還復共躋攀
林巒有失君何意
松菊猶存我得還
俱是江東巡管内
異時書札願無慳

留別俞孝顯孝揚

生事平生非我謀
飢寒長是費君憂
相如自厭遊成倦

曲逆人知老不侯
盡室經年曾未厭
一官千里去難留
異時安否如相憶
一問溪頭上水舟

留別在伯

準擬梅花共賦詩
那知人事有乖離
交情自謂惟君厚
世態于今猶我知
盡室飄飄雖匪計
此心炯炯幸無欺
一官謾浪端何以
從此歸耕已自遲

鍾子崧已丑歲簿秩滿去今自饒州教授還猶
選人也感嘆之餘賦詩以別

十四年中三別君別君每輒嘆離群案惟占位崔斯立
客乃無羶鄭廣文給札不能因狗監校書從昔老揚雲
君顏得酒猶能少我髮如霜不可耘

贈別徐永叔

憶曾看竹過焦山重記同舟駭浪間邂逅真成肺肝熱
別離空益鬢毛斑芻青飯白吾能設車殆馬煩君莫還
此去江淮兩蕭瑟為言無遣尺書慳

別范建康

早日學詩才得窮人窮乃復媿詩工如公久已獨步外
顧我何堪猥誦中歲晚人家方墮戶地長客子尚飄蓬
如聞深講揀荒政忍使簞瓢獨屢空

別朱子大藹召叟昆仲

薄宦塵埃易滿襟問盟猶喜盍朋簪只今風月一杯酒
明日雲山千里心楊柳陰疎秋館淨芙蓉香冷暮江深
潮回一信西興渡頻寄相思別後吟

留別周愚卿兄弟

四海雖云皆弟兄，悵茲薄俗與誰論。
平生泛愛老逾厭，獨覺君家久更敦。
百里闌干山作几，數家籬落竹為村。
異時相憶相思處，明月清風同酒樽。

留別叔驥和叔

一見梅花醒病昏，重逢雙壁競清溫。
占風占雨行未已，看水看山心故存。
疊疊愛渠談緒遠，班班覺我髣髴繁。
江天何處不須買，畝蕙晚蘭期並門。

寄周昭禮

都城飲別四年餘寥濶無因問起居聞道客游猶往昔
不知生理比何如謾從詩卷追還往肯向書筒計密疎
折得梅花睇江水驛程千萬渺愁予

寄劉凝遠丈二首

清時二浙湖山主合在公家不屬人求去非貪鏡湖賜
歸來便作許由鄰喜聞吾黨有高退頓使幽居忘賤貧
想見詩題硬黃紙更無夢到軟紅塵

水雲痛飲玉光詩勝踐那容俗子知此樂祇今寧夢見

臨風空爾費懷思
蘇門長嘯誰能和
赤壁成功顧已遲
當日唱酬誰復與
皆云驥子好男兒

得周畏知書病久不報以詩寄之

莫道寒溫祇素書
也於朋友見親疎
自從一反南昌役
無復能安古寺居
熙悴直為人所棄
殷勤獨肯問何如
缺然不報非緣懶
瘡癰經秋未掃除

去年過鉛山一見季承自後邈不相聞
秋試度必入城因成父行寄之以詩

去歲飄然反自閩訪君曾為駐征輪尺書不至知殊縣

五字可追如隔晨

君與袁幹有唱酬五字詩

秦論舊聞迨迺祖漢庭

那得棄平津行當過我一飯去要話別來長苦辛

以孟夏唱酬陳子高詩寄季承并借窮愁志及

其兄興化集四首

莫嗔不寄一行書半百光陰伏枕餘寂寞瓶儲同靖節
荒涼壁立類相如君今為況復何似秋盡想應成定居
獲稻讒終還瑾戶有詩何日定遺予

東湖共欸竹多竿妙果同登塔幾盤
衝雨衝風總幽事
一談一笑盡詩端
隨人似我空為計
出語如君當不刊
派後江西有驚坐
封題併與略評看

故家不復見中州
揔架聞君似鄴侯
往事誰能論牛李
舊書聊欲借窮愁
薰蕕政自難同器
涇渭懸知卒異流
何事古今朋黨禍
力爭終似殺身酬

著論端能擬過秦
苦吟長學跨驢人
十年不調非求異
三徑為資本作貧
回首浮梁屢還往
斷魂宿草幾陳新

藏家有集曾三復借我流傳莫謾珍

九日寄和父弟

走馬憶登江上臺聞知興廢使人哀遙憐冷澹黃花節
遠對飄零白雁來念爾不堪懷為惡思余應是首頻回
詩成寄與慙申誦句累難教心孔開

寄懷畏知二首

湘山峻刻湘流深中有騷人憤世音弔古自為吾輩事
宦游端識故人心別來未有音書至歲晚勿令霜露侵

聞道元戎今仲舉定除塵榻伴登臨

共旅長安暑未徂到家忽已秋風初十詩道別心期遠
千里相望魂夢踈驛使梅來應寄我衡陽鴈渺更愁予
如君乃作諸侯客顧使誰讎東觀書

久不聞表叔張平子安否覓使寄此

一自書題闕寄將不知今度幾飛霜空云梅嶺有驛使
可奈衡陽無雁行好起薦章求北闕莫因文價滯南荒
已令快閣治詩板準擬歸舟略繫傍

寄懷子進昆仲三首

晚雨催寒著破裘官梅應是動揚州相思不見蘓門隱

好在當年玉局遊

子進所居東坡舊遊也

擬向會稽探禹穴却從

吳會下扁舟不須幸甚門亡恙翻到舊詩容我不

鴈不歸時聞有行鴈南飛處更關情

子進以暮春歸子肅子儀以仲冬歸

三年有句說還往半載無書存死生莫歎河山殊舉目

會須童僕為歡迎四方取友吾非乏孰若君家賢弟兄

聞道築堂名遂初規模渾是退居圖

子進欲築堂名遂初退居先大夫所

卜居藏書自有三萬軸種橘何多二百株我似杜陵寧老
蜀君如張翰已歸吳詩成把酒遙相屬門外北風方怒
呼

寄懷畏知二首

憶昨題詩歲且更路長誰與附書行登樓見說同王粲
為賦懸知似賈生杜老性非真傲誕元龍氣自舊崢嶸
天寒萬物皆收斂惟有孤松獨向榮

馳檄傳聞思一來溪頭幾立望檣桅黃花又作霜前槁

白酒空留秋後醅
早歲交遊今孰在
暮年林壑要深陪
世間名宦豈不好
只恐勢移成溺灰

過吉水問蕭伯和兄弟云在縣四十里之羅陂
遠不及見以詩寄之併呈仲和

憶昨携詩辱報詩
再來有約竟乖期
不應置我毋庸友
何自令人極所思
千里葉舟黃落後
一官斗粟倦游時
訪尋不見蕭齊處
風雨何由話別離

寄南安李使君三章其一謝使君惠酒六尊先

是萬安令莫君嘗以使君所惠之酒見飲而惠
余者適誤持過太和舍弟至方得之南池使君
上饒所居其二從君乞南安石茶磨子其三賀
使君步履復故且致久濶願見之意焉

頻宵為月卧風前異世風流懷謫仙半年且濶書郵置
六草肯來從事賢白衣不但覓陶令春草因之感惠連
醉裏悠悠更何夢南池水長疊荷錢

白擣紛紛何所如碾成更自治家模不盡粉身兼碎骨

為看落雪又霏珠體用同歸人力致粗精孰愈磨工夫
舊聞此物獨君地要伴筆牀能寄無

如聞舍策已踰躔神物護持非藥痊為州莫漫貪良醢
把節何遲復舊氊但期米許頻仍乞敢望舟同縹緲僊
別久未能成一詣故憐終日泥陳編

寄贈孫教授兄弟

逢吉從之逢年
正之逢辰會之

籍甚所聞三桂堂向來相與但南昌橫經重識泮宮老
捧檄仍思幕府良日暮酒尊勤洒掃竹邊談几愛蒼涼

梅江父子風流舊今見君家鴻鴈行

成父自太和來相看復回既別有作寄之

一馬能來破遠愁送歸還是上扁舟
鵲原眷眷急難義
菟裘切切將老求吾兒可使齊書帙
汝歸仍堪為酒謀
把玩餘齡無幾許可如置兔媿江鷗

寄俞玉汝

晦庵寄我漂陽書報道今為建業居
作客遽經三歲久
賦詩應盡六朝餘莫將明月誇魚目
自昔鹽車羨蹇驢

期子歸來赴鮮健老無筋力事犂鋤

十二月初六夜夢客溧陽半月而未見晦菴夢
中以見遲為媿作詩謝之首句云平生知己晦
菴老歲晚方懷見晚羞寤而診曰羈於一官久
去師門精神之感形見如此耶用其句賦詩一

章寄上

平生知己晦菴老歲晚方懷見晚羞題詩寄公夏始盛
遣弟持書春又浮謝安東山豈我舍迂叟洛中常國憂

蟠桃結實動千載朝菌不與晦朔謀

聞劉彥說率友生過別業以詩寄之與彥說之
約者皆當和此詩也

柿栗當收穫稻終駕言野適興何窮門生二子歸來畫
張丈殷兄鄰舍翁豆飯芋魁吾豈乏鷄豚社酒歲仍豐
家山日日長牽念何況傳聞襍被同

因誠齋寄張三十叔

韶石馳書歲屢終浮湛渺渺聽殷洪長年苦望吾地涉

寧料它途馬首東鴻鴈又當辭瘴海孔鸞端合在高桐
忽逢玉節春江上再拜題詩覓寓公

寄孫從之

顧使斯人墨綬腰不知誰合上丹霄得非疲瘵要摩撫
是遣循良頒詔條聞道過家猶數月尚期論薦出公朝
過予不作一飯去政倚相望非甚遥

寄趙著作

有客東來為我言詔書傳已下修門幡然要識朝廷意

易此方明父子恩物望祇今誰得似道行寧負夙心存
公其大作斯民庇我亦耕桑安故園

寄彭元思

憶昨寄書今幾日缺然無地接殷勤秋風紅葉堪題句
寒夜青燈憶對君三徑吾將歸問路一尊何日再論文
番湖政與冰溪接雞犬雖遙亦共聞

寄黃子耕

誰能一枉林間寺君獨屢過湖上村先世文章出遺逸

當家句法有淵源平生所識蓋無幾盛意若何如見存
元祐蘭臺妙人物我今寂寞魏諸孫

寄曾季永

水竹懸知屬所思風埃遙想未忘詩萬言何有一杯直
三徑寧須五斗為安否頻來道州札緘封更得白鵝碑
政和父老猶存否煩與殷勤訪逸遺

寄愚卿兄弟兼屬伯威

樓上長江江上山烟雲鷗鳥尚班班歸來靖節荒三徑

已矣盧仝屋數間書肯細行知義立夢能頻見識心關
因聲重謝窮岡叟太息劉郎去不還

時聞伯山之訃

寄趙文鼎

殷勤寄謝湖州牧五馬誰能鬢未斑民事雖云急期會
登臨要不負溪山如公詎免帝城入有詔不遲旬歲間
人士端能客張賈聲名自不減蘓顏

謂張志和賈牧為魯公坡公客也

寄道正闍黎二老師并帖季蕭兄

三年光景一篇詩此世何堪作許離一代聲名屬韓呂

百年衣鉢付巖黎風生佛屋朝談處月滿仙壇夜步時
珍重陵陽老孫子當時酬唱亦同之

寄倪好問

問訊永州倪戶曹別來歲月已滔滔賢居幕府定餘暇舟
過浯溪今幾遭頌出次山微自顯詩成太史貶無褒因
來打寄山中本併以張秦翰墨豪

寄贈侯宿彥明

晁鄭風流俱外家源流如此見津涯難兄竟沒荒三徑

吾叔重嗟書五車家世詩聲繼叔起古來材秀滯長沙
順寧不作南軒死吾道傷哉鬢已華

君嘗從劉子駒遊
張敬夫亦所厚善

者

李商叟傳錄臨川與黎師侯唱酬懷曾文清公
長句用韻作四首二寄師侯嚴師且懷裘父一
寄商叟一懷文清公併屬三君

欲訪臨川苦恨遲一官窘束費符移臺高納日朝尋勝
蕉合生風夜語離別後有懷長入夢向來未識已傳詩

信知習氣難除洗可怪深悲墨翟絲

生世胡為爾許遲況經事變與時移論文尚喜兩公在
一見何勝隔歲離落木長江天末恨清風朗月卷中詩
有懷曾子今冥漠雨淚真成滿面絲

向夕相尋苦步遲坐殘初月見陰移關心去後幾南北
倒指從前屢合離君歎我貧猶為米我憐君苦但耽詩
三山堂下水溪水何日扁舟兩釣絲

歎息茶山識面遲經過舊宅恨推移聽泉尚想甘瓢樂

撫竹如親與物離千首未多行世集數篇纔刻住山詩
屬君勉力任茲事吾道祇今焚若絲

寄徐季純于去非兼屬梁和仲曾元之吳仲權
西來政爾歎離居數士英英端起予情話不遺親且故
高交寧有數能疏詩章許和平反暇尊酒仍饗簿領餘
幕府河南亦名勝願交煩為問何如

寄甘叔異戶曹賈季承鄧南季教授二首

去年舟上曲江磯招隱無人詠桂枝常恨書題苦寥濶

不堪歲月重流離誰云司戶官雖小舊說嘗洲前所遺
登臨想見日成賦寄我何當為解頤

婺女牽牛皆粵分鬱林合浦屬交州偶逢人向渠陽去
為寄書從八桂求土溥天非不廣劒山帶水祇供愁
明年闕下當皆集誰序盛山今日游

寄陳擇之

幾向圖經問水源未知蜀道遠如天書題無自寄鴻鴈
鳥語不堪聞杜鵑已自草堂叅句法更於錦里醉風煙

使行萬里無空反乞與新詩到處傳

寄周允升

竟孤春碧醉梅前猶喜囊中有和篇
雪後晚風衝嶽路雨餘秋色五溪邊
一書寥濶忘重寄小別侵尋過半年
賴是時從安道逸有時共說伯仁賢

子耕錄寄老圃賦及千秋觀諸詩寄謝

歆向當年苦持難少卿為有廣之風
求君政合形骸外笑我猶拘意匠中
遠寄一朝成暴富深藏沒世免終窮

客來賸喜誇張事何幸交游得是公

寄謝景英文

先生豈是愛監州高興應為雁蕩游
康樂當年空想望雲孫今日慰淹留
幽人衲子應多識妙偈名章可寄不
甌率蓬萊果同異不妨歸步在丹丘

子進昆仲俱和寄懷三詩復次韻

此山祇合便終焉底用心勞學計然
貧賤已安身外事功名寧顧俗間緣
舊遊要紀東南勝有句須從甲乙編
閑

向晴窓遮老眼亦堪時伴結跏禪

古途荆棘少人行制禮難招魯二生世上兒曹俱覆轍
公家伯仲自爭衡一年欲盡見松秀衆水莫污知渭清
保此不渝真有道更湏直以所能鳴

有竹相娛道豈孤信知造物未遺予交游更許得奇士
保社却嗟無定居懷玉近傳酬倡集荆溪與說往還書
世人徇利輕翻覆我輩百年端一如

次韻程士和并帖元衡

滿目風埃頓爾清
祗緣朝雨過林聲
興乘政欲蟬連語
酒釀才勝一再行
容我不應嗔醉卧
憶君還復有詩成
定知今夜江東夢
夢焰冰溪雪鬢生

審知用由字韻作詩見示次韻

山可屐登溪可浮
崎嶇窈窕悵無由
功名竟爾異吾事
邱壑只然湏我流
夏日炎蒸端畏病
秋天瀟灑信宜遊
關心懷玉山前路
要上諸峯最上頭

次韻僉判丈

芳遊忽忽未多諧
芳事忽忽已覆盃
可恨海棠經雨盡
尚餘芍藥殿春開
公能有意巾車出
我亦乘閑步履來
倚杖看花從迫窄
未妨隨處一徘徊

次韻斯遠見寄

春今半歷未知春
可奈昏昏晝復晨
藥裏豈能知許病
詩囊亦覺頓成貧
羲和送日何其怯
天女司花不解神
何但子行無所詣
我懷端亦在湖濱

次韻何叔信

苔蘚斑斑過雨廊
菱荷獵獵晚秋鄉
廬山大似要元亮
江夏安能隱戴良
酒過諸豪君可敵
詩逢二妙我無長
昔何勇銳今何怯
暢叙深孤詠與觴

趙龍泉惠書及和三詩
且用孫溫叟韻作詩見
勞次韻

一紙翻翻正復頗
數詩兼與問云何
敢言少日期耕籍
但道今年學荷戈
已辦向人腰為折
更愁逢彼怒成訶
知時未暇傷鵜鴂
撥穀惟思和九歌

次韻何叔信劉元之魏昭父

往事悠悠誰悼屈土風徃徃但爭舟
兒童助勇競拍手
鷗鷺驚飛皆落流倦客歸心思鷓首
壯年科第慕龍頭
詩中具見飄飄意如我將舉杜若洲

次韻王駒父

誰歟覓我更貽詩欲報翻慚思苦遲
自古結交真有道
可能隨俗似凡兒功名有命寧湏此
貧賤從吾欲怨誰
我亦與君俱白髮世間冷煖要當知

次韻葉德章見示

窮冬未省見梅班故里何繇報竹安
歸意寧須卜以決
衰顏不待鏡頻看交情謝子來今雨
節物娛予後苦寒
獨苦更憐終漫興不如翫
翫得天歡

次韻嚴從禮蕪簡明叔

晚風吹雨過前灣載酒誰歎起病顏
政爾交遊能不乏
故知酬唱未令慳只今銜口從俱錄
異日蕪詞合細刪
如我論材真款段兩君駿足本天閑

在伯用沅陵韻見貽次韻

一代數人君有傳九原可作我無緣頗思燈火親餘暇
卻恨江湖枉過年載辱新詩為永好絕知高義有哀憐
官閑借問忙何事日日經營作和篇

王亢宗自玉山寄二詩次韻報之

孰計還家底許居政猶秋雨墮笑巢只今敢謂歲不與
自省從來術故疏芻秣可憐哀病顙江湖寧得欠春鋤
小舟已向山陰去但遣和詩慵報書

一官偶落大江西名姓摧藏肯願知取友但論詩好惡
逢人不說位高卑殷勤魏子能相覓邂逅起子還有詩
是物解窮無苦嗜恐教盛業枉明時

游宋衡送示登明錄詩卷次韻併呈同賦諸公
赤氣排空勢且然簿書何急又堆前忽來疎雨微雲句
置以清冰寒露邊想見坐中皆玉雪更知眼界足風烟
雖然此樂宜輸我公等談經合細旃

次韻和仲留別之什

政怯離憂致感傷要煩杯酒洗蒼茫湖山已負二樓勝
風雨還并一笑妨邂逅苦為輕此別漂流重見定何方
人歸帝所門非遠江出岷山道苦長

昨日過仲威不值作詩來謝因次其韻併呈明
叔

故山端可計焉終孰遣求官自取窮詩遇二豪真勝已
鬢驚霜白驗成翁醒狂在昔人增蓋間濶於今安取豐
邂逅過君無厭數異時相遠念難同

次韻成父

山經立壁動危情路入懸崖作峭行
雨露正昏當晝黑瀑泉倒瀉助波驚
萬無一理可至魁十有九家空避兵
媿子遠來端有意更開詩篋對燈檠

次韻在伯夏夜獨坐見懷之作

暑氣侵人抵病中闕然求舊管城公
相逢共說山中月有贈忽來天末風
君向離騷熱蘭芷我於爾雅昧魚蟲
縱令酒盞能頻把孰若詩筒得屢通

次韻審知十七夜

風月當佳可易捐，共須重立虎溪邊。
天于變化自奇手，人欲追摹真強憐。
牢落朱絃千載下，淒涼青鬢十年前。
放歌莫作商聲發，驚起沙頭鷗鷺眠。

簽判丈讀曾文清公坐聞幽鳥語勝與俗人言
之句感之為長句蕃謹次韻同賦

客至真成罷送迎，願于禽鳥未忘情。
雨邊鳩婦離羣去，烟裏鷄相應鳴。
肯對子規愁百草，願令反舌遂無聲。

支頤獨愛提壺語似念田間有餉耕

簽判丈再枉長句次韻

紛紛紅藥一番春寂寂清陰幾處新
陌上風光屬游女林間觴詠聽幽人
經旬便作治顰飲涉七還當脩禊辰
無事相過勿相遠具宜從率亦從真

次韻歐陽全真送行

幾欲歸休反服初契論今昔更憐渠
非閑造物相料理自是吾儕計濶疎
似我端宜吏刀筆如君久合召嚴徐

胡然更作丁寧語道所經行覓細書

次韻李子永見貽

何能辛苦數人窮況復經行覓句工平日相思在天末
今年遠別遂湘中飢寒似我誰驅迫人物如公孰長雄
蕙帳山人久寂寞曾何臺省欠諸公

次韻孫溫叟問訊之韻

拊髀嘗聞問牧頗祗今時勢定如何要知絕惡思除本
莫為輕降信倒戈幕府似公猶不用官曹如我政宜訶

兵傳家法橄愈疾不但有詩皆可歌

在伯用巴字韻垂示次韻以報

我詩音節變巫巴君向風流守故家
剝啄未嫌驚夢蝶吟哦惟恐到昏鴉
沅湘自昔皆因適蠻左于今況雜華
豈不懷歸歸未遂水痕還落岸頭沙

次韻希登送行之什

頻年頗覺困遘屯勇氣歸尋寂寞濱
去日屢移雖怕別積霖成潦政迷津
浮生聚散不終免一語丁寧惟愛身

來歲入閨須早計要期過我待王春

楊錄事以僕與孫溫叟唱酬韻作詩見貽又用
僕與吳夢與詩韻作詩贈夢與兼以見及併次

韻二首

丹鳳哀鳴領九雛雀飛飽食下平蕪寒窓擁褐茲晨卧
急鼓穿鞋舊日趨客至渠能勞剝啄賦成我豈寓烏無
說天更擬愚溪去榮辱端知可罷呼

了知人事近天機蒼狗斯須變白衣逋客幾回驚鶴怨

弋人終日慕鴻飛由來災恠自珠玉不以賤貧安布韋
我鬢已霜君可料況堪七十古來稀

次韻子耕去秋臨安歸途見過於玉山智門寺
之作近方錄寄也

不但乘舟亦跨鞍道長無地問平安相逢只謾分襟速
既別方知聚首難海內忘形今有幾天隅獨在若為寬
夜過林寺猶前日詩到還成隔歲看

過豐城訪甘叔異聞在曲江之磯頭庵放舟過

之棹未及弭迎勞之詩已至次韻上呈

竟日江行歷抵尋聳然高屋在深林夷猶未覺磯頭遠
下上方知磴級深好句已從天上落快談仍慰別來心
經行賸約重來見嶺海他年無鴈音

次韻徐丞用韻見示

往將短木飾青黃負此枯林歲久霜窮為多言慕柔舌
病因止酒制剛腸交遊大抵要晚節談笑可湏空累觴
淨掃松階決流水效予清坐亦何妨

金部司馬公集卷十五
次韻南澗韓先生二首

歲月侵尋兩鬢稀
駕言乃復歎多岐
陳詩故匪初來識
辱贈何堪謬取知
太息先生作今日
頓還諸老在當時
倦游已恨歸來晚
南澗潺湲日日思

秋入園林日夜稀
慨然那復更臨岐
暗中摸索非其物
海內流傳會有知
但文章振吾道
更蘄飢溺濟斯時
直聲舊著尚書履
召節行聞夜席思

次韻李商叟見示

路熟江郊不待尋每來真得慰余心
新詩自作彈丸美
舊帖不教魚蠹侵莫嘆高山與流水
難迷美玉及精金
頻年浪作江湖走從此冰溪得並吟

簽判丈以新字韻作長句見贈次韻

剝啄無嗔叩戶頻要聽論古誦詩新
百年風雅久不作
一代典刑今有人敢謂投心似膠漆
故知與世若參辰
如公接物何多得豈復畏人嫌我貧

次韻伯瑞叔驥常字韻

來往區區莫謾忙轉頭還是俗相妨題詩見子留人意
作客如家自我常休嘆清明仍值雨好於元已赴還鄉
布衾木枕猶堪質要似當年人姓陽

遠齋用常字韻見貽次韻

閑中未免和詩忙忙裏偷閑莫自妨一夢江山驚草草
半春風雨自常常桃花落去空流水燕子歸來非故鄉世
事多端付醇酎我知公不愧平陽

次韻遠齋夜飲舒嘯之作併呈坐間諸公

偶上坡亭底用扶登臨於此記公初不勝酒敵先齊敗
粗有詩資皆楚餘出處絕知難逆計從遊常恐易成疎
嘯揮邊騎數君事我自欲安陶令廬

次韻王進之雨中見懷并示詩卷

落落窮居無與徒幾思短李及辛迂別時尚欲題書寄
近處何須折簡呼筆下烟雲寧取異胷中丘壑本來殊
年侵病劇渾忘却今日因君整舊模

次韻伯瑞見示并懷叔驥和叔

世情易作風沙散我輩端知雪柏堅不以翱翔鴻鵠與
遂忘寂寞鷺鷥邊往來苔雪渾疑夢邂逅瀟湘重足憐
何日笑呼賢伯仲持螯剥芡大人前

慈利簿樂思中自沅州考試回經過見之留以
小酌既以詩來次韻

飄然一舸順流東敏捷如鴻恨不同為我能留半日許
得君何翅一聯中頗思著句記初識已復枉詩醉古風
沅芷澧蘭元屬爾既難衮衮又匆匆

次韻魏饒州用蕃唱酬詩卷最後一篇韻見贈之作

世紛徃徃競趨奇半願真同慕廣眉我已自知成忤俗
公今豈亦故違時解鞍屢辱留連飲出袖仍蒙惠好詩
異縣絕疎親且故相從且免問爲誰

次韻李子永

詞源誰可障東之今代謫仙仍有詩戲調猶能出平澹
意加每輒造瓌奇白頭不用論新貴黃卷惟應保素知

我恨從公十年晚公寧於我亦深期

次韻蕭之沈弟

外家人物盛東南古已云然豈獨今兄弟長懷未多識
江湖廼得話同心豈知行日還先我更枉長吟寫意深
別後相思回首處山哀浦思有餘音

九日次韻斯遠去年是日同成父登半山亭見
懷之什寄斯遠兼示成父

去歲修途度此晨今年抱疾更漳濱官壺可醉難多致

城菊未開空屢巡憶我有詩朝在手思君何處暮傷神
遙知置酒登高者回首西南只兩人

在伯用銅字韻作詩復次韻二首

閉門憐我欠新功下筆奇君有古風豈但衆多窮草木
更能瑣細及魚蟲昔人要作有為者後世多歸亡是公
歎息知堪幾寒暑此身寧異物為銅

凍筆題詩我故窮憐君嗜好有同風政如之越資章甫
何異當冰語夏蟲既欲紛紛視兒子可須衮衮羨諸公

雖然心氣無多廢水旱猶聞咎取銅

遠齋和示疎字韻四詩復用韻併呈子肅

交舊年來寢作疎兩翁頻肯問林居
兒時已誦天台賦老去思傳祕府書
可使鸞凰棲枳棘未應騏驎伏監車
時平自是功名晚莫嘆江湖歲月除

杖履過從每恨疎何當有屋並門居
我疑奇字就公問公賦新詩令我書
無事晝碁仍夜酌有時溪櫂更山車
從教老色侵雙鬢憑藉黃精為弟除

春風吹雨密還疎門掩荒山數畝居
換米但須居士屨入都寧倚子公書
安貧自足容高枕處事時應念覆車
所恨卜隣非二仲枉教三徑草頻除

竹經載伐似微疎濩落猶能伴我居
自分舉家長食粥從渠厚祿絕無書
諸公漫仰蘓門隱吾輩還羞李武車
役役眼前何所直百年終向夢中除

上已

朝來一雨快陰晴東郊百鳥間關鳴
受風柳條不自惜

蘸水桃花可憐生不見山陰蘭亭集況乃長安麗人行
東西南北俱為客且送江頭返照明

淳熙稿卷十五